

畿輔通志卷一百四十九

略一百四

金石十二

大名府

大名

元城

南樂

宣

化府

宣化

赤城

萬金

龍門

懷來

蔚

州

大名府

大名縣

元城縣

晉

尙書郎束皙碑

皙陽平元城人太康中旱爲邑人請雨三日雨注官至尙

書郎後罷歸教授年四十卒門生故人爲立碑

明一統志

魏

彈碁局款識

大名龍興寺佛殿有魏宮玉石彈碁局上有黃初中刻字

政和中取入禁中

陸游老學庵筆記

方志云舊府城興隆寺佛殿西楹下有魏公彈碁局猶文

帝時故款

京畿金石考

謹案金石考龍興寺作興隆寺魏宮作魏公皆誤

北魏

聖旨寺碑

永熙三年北京

鄭樵金石略

謹案永熙爲魏孝武帝紀年孝武帝以永熙三年七月

蒙塵孝靜帝於是年十月卽位改爲天平元年此碑紀

永熙三年當是十月以前所立

北齊

石佛寺碑

寺在大名縣治三十里新併沙口集寺中有碑刻甚古字已剝落惟存天保元年十二月數字尙可辨書法遒勁

大

縣志

謹案齊天保元年卽東魏孝靜帝武定八年是年五月魏禪位於齊齊文宣帝卽於是月建國改元此刻於十二月故用齊代紀年也

隋

魏州刺史楊文恩德政碑

開皇初魏州刺史楊文恩甚有惠政及去吏民思之爲立

碑頌德

明一統志

舍利石函蓋記

在府城隆興寺 京畿金石考

唐

魏郡太守苗晉卿德政碑

苗晉卿爲魏郡太守有德政郡爲立碑王維撰文 明一統志

善達法師碑

郭庭誨撰任遺祚正書開元七年五月立在元城 寶刻叢編

魏州刺史狄仁傑生祠碑

張庭珪分書北京 鄭樵金石略

狄梁公祠在府城南門外唐梁公狄仁傑嘗爲魏州刺史

有異政民爲生祠舊有雙碑一李邕文張處繼書開元中

立 明一統志

城南有唐狄梁公祠碑爲李邕撰今斷 陶樸大名郡齋紀事詩註

李邕撰張庭珪分書開元十年十一月立

京畿金石考

開元十年李邕撰張庭珪書大名府南三里

碑目 畿輔

謹案諸家著錄皆作張庭珪書明一統志獨作張處繼

疑誤

開元寺尊勝陀羅尼經幢

盧重元分書開元中立在州城開元寺

寶刻叢編

相衛山川寺廟名錄石刻

開元中立在府城

寶刻叢編

開元寺新建三門樓碑

謹案文苑英華載封演撰此碑文云魏之招提開元爲

大開元者在中宗時草創則日中興在元宗時革故則

日開元寶應初歲王師出伐或以火攻由是寺門夷蕩

鞠爲灰燼洎開國田公之在魏也旣立三門鎮之層樓
又象雙闕校之連閣此寺自神龍至於寶應五十有七
年而遇焚毀自寶應以至於茲十有三年而復舊物度
幼子一人俾修淨業寺主僧法敬卽公所度子也云云
考僕固懷恩以諸將反回紇兵收東京逐史朝義長驅
至昌樂東朝義帥魏州兵來戰又敗走貝州皆寶應元
年十一月事此碑云開元寺爲王師火攻焚毀三門蓋
其時兵過魏州曾陷其城也田承嗣降初授莫州刺史
俄遷魏州刺史貝博滄瀛等州防禦使居無何授魏博
節度使此碑立於寶應元年後十三年爲大厯九年先
是一年承嗣方連相州薛嵩弟畧爲亂王師加討始奉
表請罪乞束身歸闕而內方營繕佛宇其欺誕可知舊

唐書傳承緒子十一人不言有入道者蓋亦見戲之事
非實有也封演仕魏爲僚佐田悅僭王以演爲司刑侍
郎

魏博節度使田承嗣德政碑

緇黃耄耆詣闕陳乞請頌德褒政列於金石帝曰俞以命
先臣門下侍郎王縉撰記功烈錫魏人以碑之

裴抗田承嗣神道碑

謹案王縉以代宗廣德二年入相大厯十二年貶爲括
州刺史此碑當立在十二年以前

魏博節度使田承嗣神道碑

右唐魏博節度使雁門郡王田承嗣碑營田副使裴抗撰

集古錄跋尾

邱絳文楊志方書北京鄭樵金石略

謹案文苑英華載裴抗撰此碑文承嗣官贈與史同惟
緒之世復追贈太傅魏州大都督則史未之載又云大
厯十三年薨其年得吉兆於魏州貴鄉縣金隄鄉吳河
里之源考唐貴鄉縣隸河北道魏州其故城在今大名
府元城縣東見地理志今釋此可爲田氏墓在魏之證
又承嗣雖死數月卽葬而碑則立於季安嗣爲節度後
蓋與子緒碑同時建裴抗當田悅僭號時官司禮侍郎
見悅傳又案邱絳乃撰緒碑者鄭氏以此爲絳所撰誤
魏博節度使田緒神道碑

田承嗣子緒碑節度判官邱絳撰案唐書列傳承嗣十一
子維朝華繹綸綰緒繪純紳縉而緒次當第七此二碑皆
以緒爲第六子而無綰自緒而下有繪純紛縉與史不同

碑爲故吏所作蓋史之謬

集古錄
跋尾

謹案新唐書田緒傳云承嗣第六子又無承嗣諸子次序蓋歐陽修修史時據此碑更正又案文苑英華載此碑文云以某年十月四日葬我公魏州貴鄉縣金隄鄉吳河原邇先太傅之塋此承嗣及緒墓皆在魏州之證也史載官位與碑同惟尙書左僕射碑文作右又碑云子三人長曰孝和少曰季直季安則次子也而舊書傳云季安最幼新書傳云少子季安嗣皆與碑異邱絳後爲季安生瘞之見季安傳

觀音寺碑

李贊撰王立伯書元和二年立在城內

寶刻
叢編

魏博節度使出緒遺愛碑

裴埶撰張宏靖書政和中與柳公權所書何進滔德政碑

俱爲大名尹所毀

金石錄

裴埶撰張宏靖書元和二年六月立宋政和中毀

京畿金石考

檢校太子少保田融碑

李宗閔撰文字殘闕以事考之蓋田宏正之兄融碑也宏

正帥魏博詔以融爲相州刺史使之相近唐史稱宏正幼

孤事融甚謹軍中嘗分曹習射宏正聯中融怒退杖之故

當田季安猜暴時能自全及爲軍中推迫融不悅曰爾竟

不自晦取禍之道也其後宏正與其子布皆如融言融兄

弟父子出於軍旅其智略過人如宏正布之忠義融之先

見真一代豪傑也碑爲篆字題嵩山布衣書而姓名磨滅

不可識其筆蹟頗佳

金石錄

重建狄梁公祠堂碑

胡證八分書北京

鄭樵金石略

府城南門外狄梁公祠有雙碑一馮朝文胡証書元和中

立

明一統志

在大名府城南馮宿謨文胡證書元和七年梁公功在社稷澤在民生固宜血食不朽甯州碑雖不傳而傳於天下之人心者千古如覩也此碑魏博節度使田宏正所建武后通天中契丹陷冀州河北震動武后以梁公爲魏州刺史魏人德之舊有祠經亂而廢宏正因舊址復爲重建案宏正原名興元和七年以相衛瀘貝魏博六州之地歸朝請置吏李絳固爭宜卽以節使授興因賜名宏正且以帑錢百五十萬犒將士命知制誥裴度往宣慰卽其時也諸

藩鎮宏正爲最忠順其後父子皆死國祠堂之作亦忠義

氣節之所發歟

來齋金石考

馮宿譔胡證正書篆額元和七年十一月

金石分域編

元和七年馮宿撰胡證書大名舊城內

碑目畿輔

員外馮宿撰

元城縣志

謹案文稱梁公出牧於魏實深遺愛闔境同立生祠六

十年於茲矣壬辰歲我皇恢拓千古之不庭維沂公保

和一方之衆來牧多方歸職貢而奉官司四郊廓清然

後辨正封疆咨議臺老得是舊址作爲新祠越十月五

日厥功成由是六州之人士知狄公之崇德可享日公

公之思言可復也云云考沂國田公卽宏正六州卽魏

博相衛澶貝文中所云卽指宏正爲軍中推立歸土於

朝事壬辰乃憲宗元和七年又案明一統志馮宿作馮朝胡證作胡証皆誤

魏博節度使田宏正德政碑

北京

鄭樵金石略

謹案碑文元稹撰見長慶集其略云陛下以元年正月壬戌詔臣稹曰朕有臣宏正自魏入鎮魏人思之因守臣懇狀其德政乞文於碑爾司余言其文以付奉制以一百九十二字付守臣懇銘之石云云考宏正之移鎮州李愬代爲魏博節度使碑云守臣懇是也所云元年爲長慶元年宏正卽於是年受害碑蓋立於其時

魏博節度使田布碑

右田布碑庾承宣撰布之事壯矣承宣不能發於文也蓋

其力不足爾布之風烈非得左邱明司馬遷筆不能書也
故士有不得其死以成後世之名者有幸不幸各視其所
遭如何爾今有道史漢時事者其人偉然甚著而市兒里
嫗猶能道之自魏晉以下不爲無人而其顯赫不及於前
者無左邱明司馬遷之筆以起其文也

集古錄
跋尾

陝州都督府長史陝虢觀察使庾承宣撰前鄉貢進士呂
價書布字敦禮官至魏博節度使碑以長慶四年立

集古
錄目

新修法華院記

張若撰李系正書長慶四年立在府城內開元寺

寶刻
叢編

新修隆興寺碑

李翰撰崔弁書張肱篆額寶歷二年立在府城內

寶刻
叢編

開元寺碑

李勣撰崔弁書太和元年立在府城內

寶刻叢編

開元寺修功德記

李勣撰崔弁書張肱篆額太和丁未歲立在府城內

寶刻叢編

謹案丁未卽太和元年此與前碑疑是一石諸家著錄
複載因無確據姑仍之

開元寺琉璃戒壇碑

謹案李輔撰見文苑英華其略云我僕射廬江何公在
藩之達者也此寺住僧會恩法門之津梁也太和七年
四月十九日因公行寺自有琉璃法壇請公爲地公乃
捐其眞俸以成梓陶之具云云考史憲誠爲衆所殺推
進滔爲帥實太和三年事進滔居魏十餘年開成五年
卒是太和七年正其居魏時

寶建德廟碑

謹案碑文殷侔撰其末云聖唐太和三年魏州書佐殷侔過其廟下見父老羣祭激於其文遂碑云云

魏博節度使何進滔德政碑

右何進滔德政碑唐翰林學士承旨兼侍書柳公權撰并書進滔唐書有傳開成五年立其高數丈制度甚偉在今

河北都轉運使公廨內

集古錄跋尾

翰林承旨兼侍書工部侍郎柳公權撰并書翰林待詔梁王司馬唐元度篆額進滔爲魏博節度使文宗詔公權等

爲撰德政碑以開成五年正月立有碑樓尙存

集古錄目

進滔事跡固無足取而柳公權書法爲世模楷碑元爲雄偉政和中大名尹建言磨去舊文別刊新製好古者爲之

歎惜也

金石錄

柳公權書北京

鄭樵金石略

謹案唐書宗室表敬宗第二子休復封梁王此書碑人

唐元度列銜梁王司馬卽休復府僚也

碑側題名

宋政和御製五禮記卽唐何進滔德政碑石磨去改刻其

碑側審係原碑之列銜正書開成五年正月

金石分域編

此碑正面磨刻他文其側列銜猶是開成五年原刻今見

存

採訪

觀音寺陀羅尼經幢

造陀羅尼幢記

會昌四年立

寶刻叢編